



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. YY. Responsio Ser. Regis Daniae ad Praecedentes literas.

urn:nbn:de:hbz:466:1-10534

Responsio Ser. Regis Daniæ ad Præcedentes
litteras,

Fridericus III. Dei gratia, Daniæ, Norwegiæ, VVandalorum,
Gothorumque Rex &c.

Serenissime ac Potentissime Princeps &c. Ex Majest. Vestræ literis die
Svigesima prima Junii proxime præterita Flensburgi scriptis, quas M. V.
penes Nos commorantes Legati Nobis exhibuerunt, satis percepimus Ma-
jest. V. propensionem, qua in plenariam Tractatum conclusionem fer-
tur: & nulli equidem dubitamus, quin jam dicti Majest. Vestræ heic de-
gentes Legati sufficiens Nobis testimonium perhibere possint, Nos nihil
eorum in Nobis desiderari passos, quod ad sinceram amicitiam ac fidam
correspondentiam inter Nos, & Regnorum Nostrorum subditos facere
quid possit; imò sine singulari aliqua contradictione aut tergiversatione
concessisse & approbasse omnia, quæcunque Nobis ullo modo factu possi-
bilia fuere, modo certi exiterimus, Maj. V. gratum quid & acceptum ex
inde posse accidere. Verum enim vero cum Maj. V. ipsamet in dictis suis
litteris mentionem injiciat eorum, quæ à Condirectore Henrico Carloffio
in Africa patrata sunt Majest. V. constare volumus, quod quanquam cre-
damus, Nos M. V. Legatis majorem jam dum satisfactionem obtulisse, quã
Instrumentum Pacis in ejusmodi casu requirit & præcipit, eò quod aliter
in animum inducere nequeamus, quàm quod articulus undecimus Pacto-
rum Roschildensium (quippe qui certa quædam loca, ubi captæ prædæ de-
ducendæ sint, nullatenus speciatim determinat ac definit,) eodem plane
modo intelligi debeat de his rebus, quæ in ejusmodi loca Africa deductæ
fuerunt, quæ tunc temporis, quando merces Africanæ eo deducebantur,
sub potestatem nostram redactæ erant, ac si illud ipsum heic in Europa in
Munimentis Nostris atque Urbibus contigisset: Nihilominus ad offen-
dendam amicitiam ac benevolentiam nostram erga Majest. V. & Ejusdem
subditos declaraverimus, Nos velle ut munimenta ista juxta Articulū XIV.
& præter hæc navis ista cum mercibus, quibus secundum verum Inventa-
rium ad Urbem nostram Glyckstadium venisse & deducta esse probari
poterit, reddantur ac restituantur. In quo sane certò speramus Maj. V. ac-
quieturam esse. Et siquidem Mai. V. in hoc vel alio quodam casu plura à
Nobis vel possit vel velit postulare, offerimus M. V. in omnibus nostram
benevolentiam ut Vicinum ac fratrem decet, & Nos taliter præstituros
recipimus, ut M. V. Nobiscum contenta esse possit, maxime cum tam in
hoc quàm in omnibus aliis de Majest. V. æquissimo & juris amantissimo

R

animo

animo plenariè ac certò persuasi sumus. Et quandoquidem M. V. ipsa-
met probè intelligit, quanto damno Regna ac Ditiones nostræ afficiantur,
quod M. V. exercitus & copiæ ibidem in hunc usque diem commoratae
fuerint, & non solum debitum ipsis victum post Pacificationem sufficien-
ter perceperint, verum etiam insuper maxima tributa subditis imperave-
rint & extorserint, & ejusmodi exactiones tamdiu ultra terminum eva-
cuationi destinatum continuaverint, ex quo sanè summa Nostrorum rui-
na & desolatio non potest non sequi, quam tamen M. V. neque optaturam
neque permissuram confidimus; utique in firmam spem erigimur, M. V.
non defugituram negotium isthoc ita componere, quo sine longiori mora
exercitus discedat, & evacuatio re ipsa præstetur, præsertim cum à nostra
parte nihil omnino appareat juxta pacificationis tenorem præstandum,
quin executioni jamdum mandatum fuerit. Postquam etiam ad aures
nostras pervenit, delectus militum à Nobis institutos M. V. suspicionem
quandam & scrupulum injicere, fatemur equidem Nos planè ignorare,
ejusmodi quid nostro nomine fieri, multo minus id à Nobis est manda-
tum, nisi forsitan sint quidam Officialium, Munimentis nostris in præsi-
dium impositorum, qui numerum sibi commissorum militum augere la-
borabunt. Quod restat Maiest. Vestr. Divinæ tutelæ ex animo commen-
damus cum voto omnigenæ prosperitatis. Scribeb. in arce nostra Hassni-
ensid. 27. Jun. Anno 1638.

Lit. ZZ.

Responsio S. R. M. Sueciæ ad literas Ser. Reg. Daniæ
per Ovvenum Julium allatas.

Nos Carolus Gustavus, &c.

Serenissime ac Potentissime Princeps, &c. Maiestatis Vestræ Legatum,
& Præfectum Cænobii Mariacker Dn. Ovvenum Julium, Hæreditari-
um in Lundby &c. statim atque huc accessit, coram admisimus, & tam ex
ipso, quam M. V. literis, quas simul Nobis insinuavit, intelleximus, qua ra-
tione M. V. non solum sibi persuadeat, quod quantum Tractatus præsen-
tes, & præprimis Satisfactionem Societatis Guineensis attinet, eo usque
se explicuerit, ut in iis acquiescere queamus; verum etiam firmiter credat,
Nos exercitui Nostro discessum imperaturos, & has provincias onere co-
piarum nostrarum levaturos. Equidem Nos aliquoties antea tam per li-
ras ad M. V. scriptas, quam Nostros penes M. V. commorantes Commissa-
rios satis superque ostendimus ac iteravimus, quanto desiderio erga ope-
ris hujus perfectionem consummationem feramur, & id vel maxime ob
hanc causam, quod horum temporum rationes & momenta requirant ac

cxii